

JUAN

jóasugueripũ

Jesucristo catiré petihére ticogú

1 ¹⁻²Yũũ múãrẽ Jesucristoye maquẽrẽ, cũũ niirecutirere jóagu tía. Biiro niiã: Cũũ atibú-reco tiádari suguero, cũũ Pacu-mena niitoarigu niĩwĩ. Too síro atibúrecopure bauárigu niĩwĩ. Cũũ Cõamacũ wácürere wedegú niĩ; teero biiri marĩrẽ catiré petihére ticogú niĩ. ³Ûsã cũũrẽ ññawũ; cũũ wedeseri tuowũ; cũũrẽ padeñawũ. ⁴Ûsã basirora cũũrẽ ññawũ; cũũrẽ añurõ masĩwũ. Teero tiirã, ùsã cũũrẽ ññariguere múãrẽ wedea. ⁵Ûsã marĩ Pacu Cõamacũmena, teero biiri cũũ macũ Jesucristomena añurõ niirõbirora múãrẽ ùsãmena añurõ niirĩ boogá. Teero tiirã, ùsã ññariguere, ùsã tuoriguere múãrẽ wedea. ⁶Ateré múãrẽ jóacũã, marĩ niipetira usenirere buaáda jĩrã.

Cõamacũ sãwócore tiiróbiro niigú

⁵Jesucristo ùsãrẽ wederiguere múãrẽ wedenetõneã. Cũũ biiro jĩĩwĩ: “Cõamacũ añugú, sãwócore tiiróbiro niigú niĩ. Cũũpũre ñañaré, naĩtĩãre maniã”, jĩĩwĩ. ⁶Sĩcũ “yũũja Cõamacũmena añu-

rõ niijãã” jĩĩboqui. Cũũ teero jĩĩpacu sũcã, ñañarére tiirucúqui; diamacũ maquẽrẽ netõncáqui. Teero tiigú, jĩĩdito, naĩtĩãrõpu niigú tiiróbiro niiqui. ⁷Añurere tiirucúgunopeja Cõamacũ niiróbiro sãwócoropu niigú tiiróbiro niĩ. Æpẽraména añurõ niiqui. Teero biiri Cõamacũ macũ Jesucristoye díicã niipetire cũũ ñañaré tiirere cosecú.

⁸“Yũũja ñañarére tiiría” jĩĩgũno cũũ basiro jĩĩditogu tiiqui; cũũ wácüré diamacũ niiricu. ⁹Cõamacũ diamacũ tiirucúgu niiqui; cũũ jĩĩrirobirora tiigú niiqui. Teero tiigú, sũcũ cũũ ñañaré tiiriguere wedenetõrĩ, Cõamacũ acabógudaqui. Niipetire cũũ ñañaré tiirigue wapare ñañarõ tũgueñanemorĩ tiiríqui. ¹⁰“Yũũja ñañarére tiiría” jĩĩgũno Cõamacũ jĩĩriguere jĩĩditori-gue tiiróbiro wáari tiiqui; ^acũũ wedeserere tuodugáhegu tiiróbiro niiqui.

Cristo cũũ Pacure marĩrẽ wedesebosaqui

2 ¹Múã yũũ põnabiro niirãrẽ teeré jóaa, ñañarére tiirĩjã-ãrõ jĩĩgũ. Jesucristo diamacũ ti-

^a1.10 Proverbios 20.9.

rucúgu niiqui. Teero tiigú nijjígũ, marí ñañaré tiirí, cũ Pacure maríre wedesebosiqui. ²Cũ diari-guemená marí ñañaré tiiré acabóre buamasíã. Marí ñañaré tiiré dícare diabosarigu niiwĩ; niipe-tira atibúreco macãrã ñañaré tiirécãre diabosarigu niiwĩ.

³Marí Cõamacũ dutiré tiirá, “diamacãrã Cõamacũre masítoa” jĩmasíã. ⁴Sícũ cũ dutiré tiirípacũ, “yũ cũre masítoa” jĩboqui. Teero jĩgũ jĩditorepigu niiqui; cũ wãcũre diamacũ niiricu. ⁵Cõamacũ dutiré tiirucũno Cõamacũ booróbirora cũre mãmasíqui. Teemena “diamacãrã Cõamacũmena nijjã” jĩmasíqui. ⁶“Yũ cũmena nijjã” jĩgũno Jesucristo tiirécutiróbiro ra tiinũsearo.

Cãmerí mãñá

⁷Yũ mãrá, yũ mãrẽ jóare areyé mama dutiré mee niã; bucũ dutiré mã sicatorũ suoríguera niã. Mã tee bucũ dutiré tuotóajyu. ⁸Teero niipacari, yũ mãrẽ jóare mama dutiré tiiróbiro wáaa. Yũ jóare diamacũ maquẽ niã. Jesucristo basirora teeré ñowí; mãcã teeré ñorã tiia. Mã ñañaré tiijrã, naĩtãrõpũ niirira tiiróbiro niimiwũ. Ñũrẽpere tiijrã, bóropũ niirã wáara tiia sáa.

⁹Sícũ biro jĩboqui: “Yũ bóropũ niigũ tiiróbiro niã”. Teero jĩpacũ, Jesuré padeorãre ñatuti-qui. Teero tiigũ, naĩtãrõpũ niigũ

tiiróbiro nijjãqui ména. ¹⁰Jesuré padeorãre mãgũnopeja bóropũ niigũ tiiróbiro niiqui. Tee bóre-mena ñañarére ñasugemasíjigũ, “tee ñañarére tiiría” jĩqui. ¹¹Jesuré padeorãre ñatutiguño naĩtãrõpũ niigũ tiiróbiro niirecutiqui. Teero biiri naĩtãrõpũ niigũ tiiróbiro tiirécutiqui. Cũ ñañaré tiiré wapa capeari baunóhẽgũ tiiróbiro niiqui. Teero tiigũ, ñũrẽpere besemasíriqui.

¹²Mã yũ põnabiro niirãre jóagũ tiia. Cõamacũ Jesucristo diabosarigue wapa mã ñañaré tiiré acabótoajyi.

¹³Mã butóare jóagũ tiia. Cristo sicatorũ niirígũre mã ñũrõ masícu.

Mã mamarãre jóagũ tiia. Satanãre mã netõncãrira niiwũ.

¹⁴Mã yũ põnabiro niirãre jóaawũ. Marí Pacure mã masítoacu.

Mã butóare jóaawũ. Sicatorũ niirígũre mã masítoacu.

Mã mamarãre jóaawũ. Mã padeotutúa niicu; Cõamacũ wedeserere mã wãcũrucucu; wãtãrẽ dutigũre mã netõncãrira niiwũ.

¹⁵Atibúreco macãrã ñañaré tiirucúrenorẽ, teero biiri atibúreco niirére mãrjãña. Sícũ atibúreco macãrã tiiróbiro tiigũno Cõamacũpere mãríqui.

16 Atibúreco macārã tiiré biiro niia: Noo booró tiidugáre, bayiró ugaripéare, “ápêrá nemoró niigú niia yuujá” jĩiré niia. Tee Cõamacũye mee niia. Tee niipe-tire atibúreco macārã tiirépe niia. 17 Atibúreco, atibúreco macārã ñañaré tiidugáre petijõãadacu. Cõamacũ boorére tiigúnopeja niirucujãgũdaqui.

Jesuyé queti jĩiditore mee niia

18 Múã yuu põnabiro niirã, niiture bærecori jeatoacu. Atibúreco petiádari suguero, sícũ Cristore ñnatutinetõjõãgũ atigudaqui. Múã teeré tuotóarira niuwũ. Atitóre paũ Cristore ñnatutira jeatoawa. Teero tiirã, “niiture bærecori jeatoaa” jĩimasĩã. 19 Cristore ñnatutira marĩ menamacārãã niimirira niipacara, marĩrẽ cõãjãwã. Cũã marĩ menamacārã peti mee niuwã. Marĩ menamacārã peti niirãjã, marĩmenarã niibocua ména. “Marĩrẽ cõãjãwã” jĩirã, ateré masĩã: Cũã niipetira marĩ menamacārã mee niuwã.

20 Cristo múãrẽ Espĩritu Santore ticorigu niuwĩ. Teero tiirã, múã niipetira diamacũ maquẽrẽ masĩtoacu. 21 Múã diamacũ maquẽrẽ masĩriatã, múãrẽ jóaribocu. Múã Jesucristoyere diamacũ masĩcu. Teero tiigú, múãrẽ jóaa. Múã ateré masĩtoacu: Cũũye queti jĩiditore mee niia. 22 Jĩiditorepira biiro jĩicua: “Cõamacũ beserigu Jesús mee niĩ”, jĩicua. Teero jĩirã Cristore ñnatutira niĩya. Cũã marĩ

Pacu Cõamacũrẽ, cũũ macũ Jesucristomenarã sũnacúa. 23 Cũũ macũrẽ sũnarãno marĩ Pacumena niiricua. “Jesús Cõamacũ macũ niĩ” jĩirãnopeja marĩ Pacumena niicua.

24 Teero tiirã, múã sicato tuoriguere wãcũrucujãña. Múã sicatorũ tuoriguere wãcũrucura, Cõamacũ macũmena niirucujãadacu; cũũ Pacumenacãrẽ niirucujãadacu. 25 Cũũ marĩrẽ jĩĩrirobirora tiigũdaqui: Marĩrẽ catiré petihére ticogũdaqui.

26 Múãrẽ jĩiditodugaraye quetire jóaa, múãrẽ ãñurõ masĩãrõ jĩigũ. 27 Espĩritu Santo Jesucristo ticorigu múãpũre niiqui. Teero tiirã, ãpĩ múãrẽ “nemoró buegũda” jĩigũrẽ boorĩjãña. Espĩritu Santo múãrẽ niipetirere buequi. Cũũ jĩiditoro maniró diamacũ maquẽrẽ buequi. Cũũ bueróbirora Jesucristomena niijãña.

28 Mecũtigãcãrẽ múã yuu põnabiro niirã, cũũmena niirucujãña. Marĩ teero tiirã, cũũ pũtuaatiri, boborícu. “Marĩ Cõamacũ boorẽre tiirã niia”, jĩimasĩadacu. 29 Múã cũũ diamacũ tiirucũrere masĩtoaa. Teero tiirã, “niipetira diamacũ tiirãno Cõamacũ põnarã niĩya” jĩirere masĩnoã.

Cõamacũ põna tiirécũtire

3 1 Cõamacũ marĩ Pacu marĩrẽ bayiró maĩrere wãcũñate múã. Marĩrẽ bayiró maĩgũ, “yuũ põna niĩya” jĩiqui. Teerora niia marĩ. Atibúreco macārã Cõamacũ-

rẽ masĩrijĩrã, marĩ cũũrẽ padeorã tiirẽcutirere tũomasĩricua. ²Yũũ maĩrã, mecũtigã marĩ Cõãmacũ põna niiã. Too síropũ marĩrẽ wãadarere ãñurõ masĩña maniã ména. Ate dícwre masiã: Jesucristo pũtuaatiri, cũũ baurére ññaãdacu. Cũũrẽ ññaĩrã, cũũ tiiróbiro wãadacu. ³Cũũrẽ ññañaré maniã. Marĩcã cũũ tiiróbiro “ãñurã wãadacu” jĩĩrere wãcũã. Teero tiirã, ññañarere tiirjãrõ booa.

⁴Ññañaré tiiré Cõãmacũ dutirere netõnucãre niiã. Teero tiigũ, ññañarere tiirucũgũno Cõãmacũ dutirere netõnucãgũ niiqui. ⁵Mũã masĩtoaa: Jesucristo marĩ ññañaré tiirere cõãgũ atirigũ niiwĩ. Cũũpũre péerogã ññañaré maniã. ⁶Cũũmena niigũno ññañaré tiirẽcutiriqui. Ññañarere tiirẽcutigũnope Cristore padeoriqui; cũũrẽna masĩhẽgũ niiqui. ⁷Mũã yũũ põnabiro niirã, múãrẽ ãpĩ jĩĩditorijããrõ. ãñurõ tiirucũgũno Jesús tiiróbiro ãñurõ tiigũ niiĩ. ⁸Sicatopũra wãtĩãrẽ dutigũ ññañaré tiimũãatirigũ niiqui. Teero tiigũ, ññañaré tiirẽcutigũno cũũyagũ niiqui. Cõãmacũ macũ wãtĩãrẽ dutigũ tiirere cõãgũ atirigũ niiwĩ.

⁹Cõãmacũ cũũ põnaré cũũ tiiróbiro niirecutiri tiirigũ niiwĩ. Teero tiirã, Cõãmacũ põna ññañarere tiirucũricua. ¹⁰“¿Noãpé niĩ Cõãmacũ põna?” teero biiri “¿noãpé niĩ wãtĩãrẽ dutigũ põna?” jĩĩ masĩdũgara, ateré masĩña: “Ññañaré tiirẽcutira, ãpẽãrẽ

maĩhẽrãno Cõãmacũ põna mee niĩya”, jĩĩnocu.

Cãmerí maĩré

¹¹“Cãmerí maĩrõ booa” jĩĩrẽ queti múã sicatorũ tũorĩgue niiã. ¹²Caĩn tiiróbiro niirijããda. Cũũ wãtĩãrẽ dutigũ menamacũ niijĩgũ, cũũ bai Abel wãmecũtigũre sãjãyĩgu. ¿Deero tiigũ cũũrẽ sãyĩri? Caĩn tiirẽcutire ññañaré niiyiro; cũũ bai tiirẽcutirepe ãñurẽ niiyiro.

¹³Yãa wedera, teeré wãcũrã, atibũreco macãrã múãrẽ ññatutiri ññarã, “¿deero tiirã yũũre ññatutiti?” jĩĩ wãcũrijãña. ¹⁴Marĩ Jesurẽ padeorãre maĩjĩrã, ateré masiã: Cõãmacũ marĩ pecamepũ wãaborirare catiré petihére cũorĩ tiirigũ niiwĩ. Jesurẽ padeorãre maĩhẽgũno catiré petihére cũorĩqui. ¹⁵Jesurẽ padeorãre ññatutigũno basocãre sããgũ tiiróbiro niiqui. Mũã masĩtoaa: Basocãre sããgũno catiré petihére cũorĩqui. ¹⁶Atemena cãmerí maĩrere masiã: Jesús marĩrẽ diabosarigũ niiwĩ. Teero tiirã, marĩcã Jesurẽ padeorãre “diabosagũda” jĩĩ wãcũrõ booa. ¹⁷Pee apeyé cũogũno sãcũ Jesurẽ padeogũre bóaneõgũ niirĩ ññapacũ, cũũrẽ tiiapuridojãboqui. Cũũ teero tiirĩpacũ, ¿deero tiigũ “Cõãmacũrẽ maĩã” jĩĩbogari? ¹⁸Mũã yũũ põnabiro niirã, marĩ wedeseremena dícw “cũãrẽ maĩã” jĩĩrijãrõ booa. Marĩ tiiapurermenape cũãrẽ maĩrere diamacũrã tiieñorõ booa.

Cõamacũrẽ padeorá cuiro maniró niimasĩã

19-20 Apetó sícũ marĩ menamacũ biiro wácũqui: “Yũũ ñañane-tõjõãgũ niiga” jĩĩ wácũpacũ, cũũ ãpẽrãrẽ maĩré wapa Cõamacũmenape cuiro maniró niiqui. Marĩ cũũ põna niĩã. Cũũ marĩye maquẽrẽ masĩpetijãqui. Cũũ marĩ ñañarẽ tiiriguere acabóqui. 21-22 Marĩ yeeripũnapũ “ãpẽrãména añuró niĩã” jĩĩ tũgueñarã, cuiro maniró Cõamacũrẽ sãĩmasĩã. Cũũ dutirẽre, cũũ boorẽre tiirí, Cõamacũ niipetire marĩ sãĩrẽre ticogũdaqui. 23 Cũũ dutirẽ ate niĩã: Cũũ macũ Jesucristore padeoáda. Teero biiri cũũ dutirobitorora câmerí maĩáda. 24 Niipetira cũũ dutirẽre tiiráno cũũmena niicua; cũũcã cũũmena niiqui. Marĩrẽ Espíritu Santore ticorigũ niiwĩ. Teero tiirá, Cõamacũ marĩmena niirẽre masĩã.

Cõamacũye wederáre ññabesedutire

4 1 Yáa wedera, niipetira Cõamacũyere wederí basoca wederẽre padeorjãña. Cũã wederẽre “¿diamacũrã Cõamacũye niimiĩto?” jĩĩ tuosugúeya. Pau basocá “ũsã Cõamacũyere wederá niĩã” jĩĩdito buecãmesãya. 2 Ateména diamacũ Cõamacũyere wederáre ññabesemasĩãdacu: “Jesucristo basocũra atiyigũ” jĩĩgũno diamacũrã Cõamacũyere wedequi. 3 Teeré wedehẽgũno diama-

cũ Cõamacũyere wederiqui. Cũũrã Cristore ññatutinetõjõãgũyere wedequi. Múã Cristore ññatutinetõjõãgũ atiadarere tuotõajĩyu. Cũũ basocá watoapũ niitoaqui.

4 Múã yũũ põnabiro niirã, múã Cõamacũ põnarã niĩã. Cõamacũ múãrẽ tutuarere ticoqui. Atibũreco macãrãrẽ tutuare ticogũpeja Cõamacũbiro tutuariqui. Teero tiirã, atibũreco macãrã múãrẽ cũã jĩĩditorere padeorí tiimasĩricua. 5 Jĩĩditoremena buerápe atibũreco macãrã niĩya. Teero tiirã, atibũreco maquẽ dícare bueeya. Atibũreco macãrã cũã buerẽre tuonũnũsecua. 6 Marĩpeja Cõamacũ põnarã niĩã. Cõamacũrẽ masĩgũno marĩrẽ tuonũnũsequi. Cõamacũrẽ masĩhẽgũnopeja marĩrẽ tuonũnũseriqui. Marĩ teeré tuomasĩrã, “diamacũrã Cõamacũye niĩã” o “jĩĩditore niĩã” jĩĩ besemasĩãdacu.

Cõamacũ basocáre maĩquí

7-8 Yũũ maĩrã, Cõamacũ basocáre maĩquí. Teero tiirã, marĩcã câmerí maĩáda. Câmerí maĩránno Cõamacũ põnarã niicua. Cũã Cõamacũrẽ masĩcua. Câmerí maĩhẽránnopeja Cõamacũrẽ masĩricua. 9 Cõamacũ marĩrẽ maĩrẽre ateména ññorigũ niiwĩ: Cõamacũ cũũ macũ sícũ niigũrẽ atibũreco pure ticodiocorigũ niiwĩ. Marĩrẽ catirẽ petihẽre cõoáro jĩĩgũ, cũũrẽ diabosadutirigũ niiwĩ. 10 Marĩ Cõamacũrẽ maĩrĩrira niiwũ. Cũũpe marĩrẽ maĩgũ, marĩ ñañarẽ tii-

rére acabódugarigu niwĩ. Teero tiigú, cūñ macūrē ticodiocorigu niwĩ, diabosaaro jĩgũ. Cūñ marĩrē biiro tiibosárigue maĩré peti niicu.

11 Yũũ maĩrá, Cōāmacū teero tiirigu nijĩgũ, marĩrē bayiró maĩquí. Teero tiirá, marĩcārē cāmerĩ maĩró booa. 12 Sícũ basocú Cōāmacūrē ñnarĩgu maniquí. Marĩ cāmerĩ maĩrĩ, cūñ marĩmena niiqui; cūñ booróbirora cūñrē maĩmasĩá. 13 Cōāmacū marĩrē Espiritu Santore ticorigu niwĩ. Teero tiirá, Cōāmacū marĩmena niiré masĩá; teero biiri marĩ cūñmenarā niirécārē masĩá. 14 Ūsā basiora Cōāmacū macūrē ñnawũ. Ateré wedea: Cōāmacū cūñrē atibúreco macārā ñañarárē netōnédutigu ticodiocorigu niwĩ. 15 “Jesús Cōāmacū macū niĩ” jĩgũnorē Cōāmacū cūñmena niiqui; cūñcā Cōāmacūmenarā niiqui.

16 Cōāmacū marĩrē maĩrére masĩá. “Cūñ marĩrē maĩré diamacú maquē niĩá” jĩrere padeóa. Cōāmacū basocáre maĩquí. Cāmerĩ maĩrucúguño Cōāmacūmena niiqui; Cōāmacūcā cūñmena niiqui. 17 Marĩ Cōāmacū booróbirora cūñrē maĩmasĩá. Jesucristo atibúrecomu niigũ, cūñ Pacure maĩwĩ. Cūñ maĩrĩrobirora marĩcā Cōāmacūrē maĩmasĩá. Teero tiirá, Cōāmacū basocáre wapa tiidari bũreco jeari, cūñrē cuiricu. 18 Cōāmacūrē maĩgũño cūñrē cuiriqui. Cōāmacū booróbirora cūñrē maĩgũ, cuiro maniró niiqui.

Cuire cuogúno “yũũre ñañaró tiibóqui” jĩ wācũqui; Cōāmacū booróbirora cūñrē maĩrĩqui.

19 Cōāmacū marĩrē maĩsũguerigu niwĩ. Teero tiirá, marĩ cāmerĩ maĩá. 20 Sícũ “Cōāmacūrē maĩá” jĩpacu, Jesuré padeoráre ñnatutigu, jĩditorepigu niiqui. Basocá cūñ ñnarácārē maĩhégũ, nemoró Cōāmacū bauhégũpereja maĩmasĩriqui. 21 Cōāmacūrē maĩgũño Jesuré padeorácārē maĩró booa. Teeré Cōāmacū marĩrē tiidutirigu niwĩ.

Atibúreco maquē ñañarére cāmotámasire

5 ¹ “Jesús Cōāmacū beserigu Cristo niĩ” jĩ padeoráno Cōāmacū pōnarā niicua. Āpērārē maĩráno cūñ pōnacārē maĩcúa. 2 Marĩ Cōāmacūrē maĩ, cūñ dutirére tiirá, “cūñ pōnacārē maĩá” jĩmasĩādacu. 3 Cōāmacūrē maĩráno cūñ dutirére tiĩya. Cūñ dutiré wisiória. 4 Marĩ Cōāmacū pōna atibúreco maquē ñañarére tiiría. Jesucristore padeorémena añurére tiinóá. 5 Marĩ Jesuré “cūñ Cōāmacū macū niĩ” jĩ padeóa. Teeména dícu atibúreco maquē ñañarére cāmotámasicu.

Jesucristo Cōāmacū macū niĩ

6 Jesucristo Cōāmacū macū niĩ. Cūñ atibúrecomu niirĩ, Juan cūñrē wāmeōtiwi. Cūñrē wāmeōtigu, ocoména wāmeōtiwi. Too síro cūñ curusapu diajōawĩ. Biiro tiirémena “yũũ Cōāmacū macū niĩá” jĩrere

ẽnowí. Cũũrẽ wãmeõtiriguemena dícu ẽnoríwi. Cũũ diariguemena-cãrẽ ẽnowí. Espíritu Santo “Jesu-cristo Cõamacũ macũ niĩ” jĩrere marĩrẽ ẽnoquí. Cũũrá diamacũ maquẽrẽ wedegú niĩ. ⁷Atequetiré cũã basirora ẽñoóya. Cũã ãtĩrã ãmũãsepũ niĩya: Pacũ, macũ, teero biiri Espíritu Santo. Cũã ãtĩrã-pũ niipacara, sícũrã niĩ. ⁸Atibũre-copũre Espíritu Santo wederẽmena “Jesús Cõamacũ macũ niĩ” jĩrere masĩnoã. Teero biiri Jesús cũũ Cõamacũ macũ niirere cũũ wãmeõtínoriguemena, cũũ diariguemena ẽnorígu niĩwĩ. ⁹Basocá cũã ãnariguere wedericãrẽ, marĩ padeóa. Cõamacũ basocá wederẽ nemoró diamacũ wedei. Cũũrá cũũ macũ niirecutirere wederígu niĩwĩ. ¹⁰Cõamacũ macũrẽ padeogúno Cõamacũ wederere padeoquí. Cõamacũ wederere padeohégũno cũũ jĩriguere jĩditorigue tiiróbiro wáari tiiquí; cũũ Cõamacũ cũũ macũ niirecutirere wederere padeoríqui. ¹¹Cõamacũ ateré wedequi: Cũũ marĩrẽ catiré petihére ticorigũ niĩwĩ. Tee catiré petihére cũũ macũpũre niicu. ¹²Cõamacũ macũmena niigũno catiré petihére cwoquí; cũũ macũmena niĩhégũno catiré petihére cwoquí.

Wedeyaponorigue

¹³Mũã Cõamacũ macũrẽ padeorãre atipũrẽ jóaa, mũã “catiré petihére cwoa” jĩĩ masĩrõ jĩĩgũ.

¹⁴Marĩ masĩtoaa: Cõamacũ booróno sãĩrĩ, marĩ sãĩrere tũo-

quí. Teeré masĩrã, cũũrẽ cuiro maniró sãĩmasĩã. ¹⁵“Cõamacũ marĩ sãĩrere tũoquí” jĩĩmasĩrõbiora “cũũ marĩ sãĩrĩgucãrẽ ticotoal” jĩĩmasĩnoã.

¹⁶Apetó tiigú, Jesuré padeogúno ñañaré tiirí, sícũno ãnaboquí. Cũũ ñañaré tiiré acabómasĩreno niirí, Cõamacũrẽ sãĩbosáaro. Sãĩbosári, tee ñañaré tiiré acabómasĩreno niirí, Cõamacũ cũũrẽ catiré petihére ticogũdaquí. Apeyé ñañaró tiiré acabónoña maniré niicu. Teeré “sãĩbosáya” jĩĩña maniã. ¹⁷Niipetire ñañaré tiiré Cõamacũrẽ netõnucãre niipacari, apeyé ñañaré tiiré acabómasĩreno niicu.

¹⁸Marĩ ateré masĩtoaa: Cõamacũ põna ñañaré tiirécũtiricua. Jesús cũãrẽ cotequí. Teero tiigú, wãtĩrãrẽ dutigú cũã padeorere ñañomasĩríqui. ¹⁹“Marĩ Cõamacũ põna niĩã” jĩrere masĩã. Atecãrẽ masĩã: Wãtĩrãrẽ dutigú niipetira atibũreco macãrãrẽ dutiqui. ²⁰Apeyecãrẽ masĩã: Cõamacũ macũ atirígu niĩwĩ; marĩrẽ tũomasĩrere ticorigũ niĩwĩ. Teemena Cõamacũ diamacũ niigũrẽ masĩã. Cõamacũmenarã niĩã. Teero biiri cũũ macũ Jesucristomenacãrẽ niĩã. Jesucristo Cõamacũ diamacũ macũ niigũ niiqui. Cũũrá niiqui sũcã catiré petihére ticogú.

²¹Mũã yũũ põnabiro niirã, “cõãpõnarẽ basocá weerirare padeobócu” jĩĩrã, Jesuré wãcũrucujãña.

Nocõrõrã niĩã.